

vicosque reddunt. Centeni singuli ex plebe comites, consilium simul & auctoritas, adsunt. Partes hæ centuria dicebantur, vernacula voce **hundertten** / Latina, quam posteriores Germani in suam adscivere civitatem, **CENTEN**; unde harum centuriarum comites *centgreven*, atque iudicium *centumvirale*, quod apud Romanos quoque obtinuisse testis est Cicero l. de oratore, das **Cent-Gericht**; quorum nominum hodiernum memoria apud nos conservatur: In Hassia namque novimus paganos iudices vocari **Greven**. Certe numero centenatio, quem *justum* vocat Varro, in populorum in certas classes distributione admodum delectabantur veteres; quod & Romanos fecisse manifestum est. Hinc de *centuriatis comitiis*, quia populus a Servio Tullio, teste Livio, Floro, Eutropio, per *centurias divisus erat, centumviris iudicibus*, ceteris, passim legere est in historia Romana. Hæc tamen non eo accipi velim, ac si hi C Suevorum pagi non omnes & singuli, sed ex quovis saltem centuria, atque adeo C pagorum centuriæ Ariovisto auxilio venire decreverint.

XI.

Huic Suevico exercitui, his Ariovisti auxiliis præfuisse, addit Cæsar, *duces NASUAM & Cimberium fratres*. De horum origine altum est silentium; neque apud historicos documentum nobis relictum, ex quo, sive de stirpe sive nominum ratione, certi quidpiam definire possemus; infra tamen aliquid conjicimus. Germanos fuisse quis dubitabit? quum Suevi essent, Suevorumque Duces, ac contra Cæsarem exercitusque Romanos, ad augendas Ariovisti in Sequanis copias, expeditionem suscipere adlaborabant, Rhenum trajecturi. Et quia Germani erant, hinc nulla etiam

B 2

alia,